

Informacija o provođenju Odluke o načinu odabira projekata nevladinih /neprofitnih organizacija po LOD metodologiji

Kompletna procedura raspisivanja Javnog poziva OCD/NVO, odabira projekata koji će biti finansirani/sufinansirani iz Budžeta Općine Stari Grad Sarajevo u 2014. godini, odrađena je u skladu sa LOD metodologijom. Primjena ove metodologije u Općini Stari Grad Sarajevo rezultat je uspješno realizovanog UNDP-ovog projekta “Jačanje lokalne demokratije LOD III”, koji je bio finansiran od strane Evropske unije, a njen osnovni cilj je da osigura kvalitet u procesima planiranja i provedbe projekata nevladinih organizacija, te da osigura instrumente za efikasno trošenje javnih fondova.

Prije nego što je raspisan Javni poziv jasno je definisan aplikacioni set dokumentacije koji će koristiti aplikanti. Organizovani su i sastanci sa predstavnicima nevladinog sektora kako bi zajednički definisali oblasti Javnog poziva u skladu sa Strateškim dokumentima Općine. Predstavnici civilnog sektora pozvani su i na informativni sastanak “Dan otvorenih vrata”, neposredno prije raspisivanja Javnog poziva kako bi se zainteresiranim nevladinim organizacijama dale što bolje i relevantnije informacije vezane za apliciranje na Javni poziv. Cilj ove metodologije je uspostavljanje boljih odnosa između lokalnih vlasti i civilnog društva, te stvaranje finansijskih mehanizama za unaprijeđeno pružanje usluga. Primjena LOD metodologije putem efikasnog trošenja sredstava dodijeljenih organizacijama civilnog društva, doprinosi ostvarivanju razvojnih ciljeva Općine Stari Grad Sarajevo.

Nakon toga, Općina Stari Grad Sarajevo raspisala je Javni poziv organizacijama civilnog društva/nevladinim organizacijama za prijavu projekata koji će biti finansirani/sufinansirani iz Budžeta Općine Stari Grad Sarajevo u 2014. godini. Javni poziv je raspisan 5. marta, 2014. godine i bio je otvoren do 26. marta, 2014. godine. Oglas je objavljen u Dnevnom avazu, kao i na zvaničnoj web stranici Općine. Javni poziv je također proslijeđen i na e-mail adrese nevladinih organizacija sa sjedištem na području Općine Stari Grad Sarajevo.

Uz Javni poziv objavljeni su sljedeći dokumenti;

- Projektni prijedlog (Word format Aneks 1),
- Pregled budžeta/proračuna (Excel format - Aneks 2),
- Matrica logičkog okvira (Word format - Aneks 3),
- Plan aktivnosti i promocije (Excel format - Aneks 4),
- Administrativni podaci o aplikantu (Word format - Aneks 5),
- Finansijska identifikaciona forma (Excel format - Aneks 6),
- Izjava o podobnosti (Word format - Aneks 7),
- Lista provjere (Word format - Aneks 8),
- Smjernice za aplikante.

Javnim pozivom predviđena su novčana sredstva iz Budžeta za 2014. godinu u iznosu od 80.000,00 KM. Pravo prijavljivanja na Javni poziv imale su sve formalno registrovane OCD i NVO (udruženje/udruga ili fondacija), u skladu s važećim zakonskim propisima u Bosni i Hercegovini.

Rješenjem Načelnika Općine broj: 01-05-2-752/14 od 10. aprila, 2014. godine, imenovana je Komisija za ocjenjivanje i odabir projekata nevladinih organizacija. Komisija je radila na evaluaciji projektnih prijedloga u skladu sa Odlukom o načinu odabira projekata nevladinih/neprofitnih organizacija po LOD metodologiji, od 11. aprila, 2014. godine, pa do 18. aprila, 2014. godine.

Komisiju su sačinjavali predstavnici izvršne i zakonodane vlasti Općine Stari Grad i predstavnik organizacija civilnog društva.

Komisiju je radila u sastavu:

1. Enida Osmanagić, predsjednik Komisije-Služba za obrazovanje, kulturu, sport i lokalni razvoj,
2. Sanin Hadžibajrić, član Komisije-Služba za obrazovanje, kulturu, sport i lokalni razvoj,
3. Admira Kadić, član Komisije-Služba za obrazovanje, kulturu, sport i lokalni razvoj,
4. Ferida Muratspahić, član Komisije-Radno tijelo Općinskog vijeća,
5. Elmedin Branković, član Komisije- Radno tijelo Općinskog vijeća,
6. Peter Josip Bevanda, član Komisije-predstavnik ispred nevladinog sektora,
7. Adna Backović, zamjenski član Komisije-predstavnik nevladinog sektora.

Zamjenski član Komisije ispred nevladinog sektora je uveden kako bi bilo omogućeno apliciranje svim nevladinim organizacijama na ravnopravnim osnovama.

Izvršen je uvid od strane Komisije u svih 65 projektnih prijedloga koliko ih je prispjelo na Javni poziv. Konstatovano je da su svi projektni prijedlozi prispjeli blagovremeno.

Sve aktivnosti koje aplikant naveo u projektnom prijedlogu, procijenjivale su se prema sljedećim kriterijima:

Ispunjenje administrativnih uslova

- Potvrda da je aplikacija kompletno popunjena u skladu sa listom za provjeru;
- Dokumentacija dostavljena u 3 primjerka (3 štampana + 1 elektronski CD ili USB) ;

Ispunjenje uslova koji se tiču aplikanta, partnera i aktivnosti

Potvrda da aplikant, partneri (i saradnici, ako postoje), kao i aktivnosti, ispunjavaju uslove navedene u poglavljima 5, 6, 7, 8, 9 i 10.

Procjena kvaliteta projekta i finansijska evaluacija

Procjena kvaliteta projekta, uključujući i predloženi budžet, izvršena je u skladu s kriterijima utvrđenim u tabeli za evaluaciju koja je sastavni dio smjernica za aplikante.

Postoje dvije vrste kriterija za evaluaciju: kriteriji za selekciju i kriteriji za dodjelu sredstava.

Cilj kriterija za selekciju je da pomognu procjenu finansijskih i operativnih sposobnosti aplikanta kako bi se osiguralo da oni:

- imaju stabilna i dovoljna finansijska sredstva za sopstveni rad tokom cjelokupnog perioda implementacije projekta;
- posjeduju profesionalne sposobnosti i kvalifikacije potrebne za uspješnu implementaciju kompletnog projekta. Ovo se odnosi i na partnere aplikanta.

Kriteriji za dodjelu sredstava omogućavaju da se kvalitet predatih projekata procijeni na osnovu postavljenih prioritarnih oblasti, a sredstva odobre po osnovu aktivnosti koje maksimiziraju opšti efekat samog poziva za predaju prijedloga projekata. Kriteriji se odnose na značaj predloženog projekta, usaglašenost projekta s ciljem poziva i prioritarnim oblastima, kvalitet projekta, očekivane rezultate, održivost projekta i racionalnost traženih sredstava.

Na osnovu navedenih kriterija, Komisija je sačinila listu deset (10) projekata nevladinih/neprofitnih organizacija, koju je dostavila Načelniku Općine uz Informaciju o radu Komisije.

Na osnovu dostavljene liste projektnih prijedloga, konačnu Odluku o raspodjeli sredstava za projekte nevladinih/neprofitnih organizacija koji će se finansirati/sufinansirati sredstvima iz Budžeta Općine za 2014. godinu, donio je Načelnik Općine.

Radi se o sljedećim projektima;

Redni broj	Naziv organizacije	Naziv projekta	Broj bodova	Odobreni iznos u KM
1	NVO Altruista "Svjetlo"	<i>Koraci znanja putevi socijalne isključenosti</i>	90,2	7.649,70
2	Udruženje Konjički klub "Djeca Vjetra" Sarajevo	<i>Jahanjem do zdravog načina života i jačanja sportskog duha</i>	84,6	7.488,50
3	Karate klub "Satori"	<i>Razvoj i obuka mladih u karate sportu</i>	81,8	8.500,00
4	Plivački klub "Stari Grad"	<i>Opština Stari Grad bez ijednog neplivača</i>	81,2	10.000,00
5	Udruženje za internet promociju biznisa i turizma "e-Mreža"	<i>Zanatsko-turistički web portal www.bascarsija.info</i>	81	4.000,00
6	KUD "Šadrvan"	<i>Buđenje svijesti kod učenika o značaju očuvanja sevdalinke</i>	81	8.495,00
7	Fondacija lokalne demokratije Sarajevo	<i>Resocijalizacija žrtava nasilja u porodici</i>	80,2	8.466,00
8	KUD Bašćaršija	<i>Tradicija-potreba i inspiracija</i>	71,8	8.328,70
9	Fondacija Sarajevo Navigator	<i>Razvoj kulturnih i turističkih potencijala Općine Stari Grad</i>	64	8.500,00
10	Centar za kulturu dijaloga	<i>Debata i kultura dijaloga u BiH-18 godina poslije rata</i>	61,6	8.000,00

Odbijeno je ukupno 55 projekata i to iz jednog od sljedećih razloga;

- Nisu u skladu sa razvojnim ciljevima Općine Stari Grad Sarajevo,
- Projektna dokumentacija je nepotpuna,
- Aplikant ili jedan ili više njegovih partnera ne ispunjavaju uslove za učešće na Javnom pozivu,
- Projektne aktivnosti nisu prihvatljive (npr. predložene aktivnosti izlaze izvan okvira poziva za predaju prijedloga projekata, projekat po predviđenom trajanju prelazi maksimalni dozvoljeni vremenski period ili je manji od minimalnog, zahtjevana suma novca je veća od maksimalne dozvoljene sume ili manja od minimalne itd.),
- Prijedlog projekta nije bio dovoljno relevantan ili finansijski i operativni kapaciteti aplikanta nisu dovoljni, ili su projekti koji su izabrani bili superiorniji po ovim pitanjima,
- Prijedlog projekta ocijenjen kao tehnički i finansijski inferioran u odnosu na izabrane prijedloge projekata.

Posebnim Rješenjem, Načelnik Općine je imenovao Tim za praćenje implementacije odobrenih projekata nevladinih organizacija. Zadatak Tima će biti da prati realizaciju projekata koji će se finansirati/sufinansirani od strane Općine Stari Grad Sarajevo.

Aktivnosti praćenja projekata uključuju prije svega;

- odobrenje izvještaja koje sastavljaju ugovorene strane,
- obilazak projekta,

- praćenje aktivnosti u odnosu na plan rada koji je odobren,
- praćenje troškova u odnosu na odobreni budžet u Ugovoru,
- kontakte sa svim stranama uključenim u realizaciju projekta,
- rješavanje i praćenje problema
- pripremanje izvještaja.

U cilju obezbijedivanja dostupnosti informacija o odobrenim projektima nevladinih/neprofitnih organizacija prispjelih po Javnom pozivu koji će biti finansirani/sufinansirani iz Budžeta Općine Stari Grad Sarajevo u 2014. godini, Odluka o raspodjeli sredstava za projekte nevladinih/neprofitnih organizacija prispjelih po Javnom pozivu objavljena je na zvaničnoj web stranici Općine.

Nadležna Služba za obrazovanje, kulturu, sport i lokalni razvoj je pismenim putem kao i putem elektronske pošte obavijestila sve organizacije koje su aplicirale o rezultatima odabira Komisije.

Na osnovu Odluke o raspodjeli sredstava za projekte nevladinih organizacija, ukupno će biti dodijeljeno 79.427,90 KM za finansiranje odnosno sufinansiranje 10 projekata nevladinih/neprofitnih organizacija koji će biti realizovani na području Općine Stari Grad

Nakon toga, održan je sastanak 12. juna, 2014. godine u Sali 109 Općine Stari Grad, sa predstavnicima organizacija koje će realizovati odobrene projekte, prilikom čega su upoznati sa pravima i obavezama prilikom realizacije i praćenja provedbe projektnih aktivnosti.

Na sastanku su potpisani Ugovori o realizaciji odobrenih projekata. Ugovore je sa predstavnicima 10 nevladinih organizacija, čiji su projekti odobreni, potpisao Načelnik Općine mr. Ibrahim Hadžibajrić.

Činom potpisivanja Ugovora okončan je proces odabira projekata, a Ugovorima se uređuju prava i obaveze ugovornih strana u vezi sa realizacijom odobrenih sredstava namijenjenih za finansiranje, odnosno sufinansiranje projekata nevladinih i neprofitnih organizacija iz Budžeta Općine za 2014. godinu.

Tim za monitoring i evaluaciju će pratiti planske aktivnosti provedbe projekata, te će pratiti metodologiju utroška budžetskih sredstava namijenjenih za realizaciju projekata i o tome će redovno informisati Načelnika Općine, kao i Općinsko vijeće.

Stručna obrada:

Služba za obrazovanje, kulturu,
sport i lokalni razvoj

Predlagač:

Načelnik Općine
mr. Ibrahim Hadžibajrić